 <p>MATATAG K to 10 Kurikulum Lingguhang Aralin</p>	Paaralan:	Visit DepEdResources.com for More	Baitang:	7
	Pangalan ng Guro:		Asignatura:	VALUES EDUCATION
	Petsa at Oras ng Pagtuturo:	SEPT. 30 – OCT. 4, 2024 (WEEK 1)	Markahan at Linggo:	Ikalawang Markahan
I. NILALAMAN NG KURIKULUM, PAMANTAYAN, AT MGA KASANAYAN SA ARALIN				
A. Mga Pamantayang Pangnilalaman	<p>Natututuhan ng mag-aaral ang pag-unawa sa pamilya bilang sandigan ng mga pagpapahalaga.</p>			
B. Mga Pamantayan sa Pagganap	<p>Naisasagawa ng mag-aaral ang mga natutuhang pagpapahalaga sa mga situwasyong kinakaharap upang malinang ang maingat na paghuhusga.</p>			
C. Mga Kasanayan at Layuning Pampagkatuto	<p>Nakapagsasanay sa maingat na paghusga sa pamamagitan ng palagiang pagsangguni sa mga magulang o tagapangalaga tungkol sa mga karanasan kaugnay ng mga natutuhang pagpapahalaga.</p> <p>a. Naipaliliwanag na ang pamilya bilang sandigan ng mga pagpapahalaga ay may gampanin na hubugin ang mga</p>			



	<p>anak sa mga pagpapahalaga.</p> <p>b. Natutukoy ang mga pagpapahalagang natutuhan sa pamilya na may impluwensiya sa kaniyang pagkatao.</p> <p>c. Nailalapat ang mga natutuhang pagpapahalaga sa mga situwasyong kinakaharap.</p>
<p>C. Nilalaman</p>	<p>Pamilya Bilang Sandigan ng mga Pagpapahalaga</p> <p>a. Pamilya bilang Sandigan ng mga Pagpapahalaga</p> <p>b. Impluwensiya ng Iba't Ibang Konteksto ng Pamilyang Pilipino sa Pagkatuto ng Pagpapahalaga</p> <p>c. Pagtukoy sa mga Pagpapahalagang Natutuhan sa Pamilya na Nagsisilbing Moral na Kompas</p> <p>d. Pagsasabuhay sa mga Pangunahing</p>

	Pagpapahalagang Natutuhan sa Pamilya
<p>D. Lilingang Pagpapahalaga</p>	<p>M a i n g a t n a P a g h u h u s g a (P r u d e n c e)</p>
<p>E. Integrasyon</p>	<p>Mga Panlipunang Tradisyon at Kultura na may Impluwensiya sa Pampamilyang Pagpapahalaga</p>

II. BATAYANG SANGGUNIAN SA PAGKATUTO

- Bonifacio, R. (2023). Son of A Single Mom Reaches Out to Dad with A Heartbreaking Message After Being Blocked—'I Exist'. Smart Parenting. <https://www.smartparenting.com.ph/parenting/real-parenting/dad-blocks-son-solo-parent-a00390-20231018>
- Gozum, I. E. (2020). The Filipino family in the formation of values in the light of John Paul II's *familiaris consortio*. *Philosophia: International Journal of Philosophy*, 21. https://ejournals.ph/article.php?id=15930&fbclid=IwAR00FeY46pchkTqFzH3WESrQ_BY9icevDkRIDKnkzCg6ZJYpC9lfVmeLzc
- Gratitude Definition / What is gratitude.* (n.d.). Greater Good. <https://greatergood.berkeley.edu/topic/gratitude/definition#:~:text=%E2%80%9CFirst%2C%E2%80%9D%20he%20writes%2C,goodness%20are%20outside%20of%20ourselves.%20%E2%80%A6>
- Jensen, A. (2022, August 26). *87 Ways to be Kind and Loving*. Six Seconds. <https://www.6seconds.org/2022/06/27/kindness-and-loving-75-ways/>
- National Center on Parent, Family, and Community Engagement (w.p.). Family Engagement and Cultural Perspectives: Applying Strengths-based Attitudes. <https://eclkc.ohs.acf.hhs.gov/publication/family-engagement-cultural-perspectives-applying-strengths-based-attitudes>
- Quizon, C. (2005). *Edukasyon sa Pagpapahalaga II. Sulo ng Buhay*. Lorimar Publishing Company Inc., Quezon City.
- Reyes, W. et al. (2008). *Valuing Goodness Values Education High School Series. Goodness in the Family*. Salesiana BOOKS, Don Bosco Press, Makati City.
- Scroope, S. (2017). Filipino culture: Family. Cultural Atlas. <https://culturalatlas.sbs.com.au/filipino-culture/filipino-culture-family>
- Tarroja, M. H. (2010). Revisiting the Definition and Concept of Filipino Family: A Psychological Perspective. *Philippine Journal of Psychology*, 43(2).
- Team, P.(n.d.). *100+ characteristics and traits of a responsible person*. <https://prowritingaid.com/responsible-character-traits#article-head7>
- The Editors of Encyclopaedia Britannica. (2023, October 23). Joint family | Nuclear Family, Extended Family & Clan. Encyclopedia Britannica. <https://www.britannica.com/topic/joint-family>
- Mga sanggunian ng larawan:
- Bayanihan Filipino culture [Online image]. (w.p.). Pinterest. <https://www.pinterest.ph/pin/822962531923155066/>
- Juhele (2016). Windrose/compass-detailed [Online image]. OPENCLIPART. <https://openclipart.org/detail/244724/windrosecompass-detailed>
- JuliarS (w.p.). Religion flat icons set vector image [Online image]. VectorStock <https://www.vectorstock.com/royalty-free-vector/religion-flat-icons-set-vector-6727890>
- Serenade [Online image]. (w.p.). Pinterest. <https://www.pinterest.ph/pin/291819250835502949>
- Tree*. (n.d.). Openverse. <https://openverse.org/image/90400a03-5fde-4ab8-a240-c35dc936e0c8?q=tree>
- [Untitled illustration of a New Year's Celebration in the Philippines]. PaanoHow. <https://www.paanohow.com/okasyon/paano-maging-swerte-o-makaiwas-sa-malas-sa-bagong-taon-ayon-sa-pamahiin-ng-mga-pilipino/>


Ano kaya ang mangyayari kung...	Sagot
ang bata ay pinipitas gaya ng isang mangga?	
ang mga bata ay ibinubuga/iniluluwa ng bulkan?	
ang mga bata ay namumuhay mag-isa gaya ng isang puno?	

III. MGA HAKBANG SA PAGTUTURO AT PAGKATUTO		MGA TALA sa GURO
<p>A. Pagkuha ng Dating Kaalaman</p>	<p>UNANG ARAW</p> <p>1. Maikling Balik-aral</p> <p>Ipagawa sa mga mag-aaral ang sumusunod na gawain:</p> <p style="text-align: center;">Isulat sa mga kahon sa unang palapag ang mga tungkulin ng isang mabuting mamamayan.</p> <div style="text-align: center;">  </div> <p style="text-align: center;">Mula sa mga nakatalang tungkulin, isulat sa mga kasunod na kahon ang mabuting dulot ng mga ito.</p> <div style="text-align: center;">  </div>	<p>Maaari itong ibigay na worksheet o gamitin ang Jamboard kung malakas ang internet. https://jamboard.google.com/</p> <p>Halimbawa: https://jamboard.google.com/d/12ZqNQ2_mPQ_yri-gu09zxf_QT-Zub7TpzOmWChOBvcY/edit?usp=s_haring</p>

B. Paglalahad ng Layunin

I. Paglinang sa Kahalagahan sa Pagkatuto sa Aralin

Pairalin ang imahinasyon habang binabasa ang mga pangungusap. Isulat sa kabilang hanay ang posibleng mangyari kung ang situwasyon ay maging makatotohanan.



Pamprosesong Tanong:

1. Sino-sino ang mga nag-aalaga sa isang bata?
2. Bakit mahalaga na maipanganak ang isang tao sa isang tahanan?

II. Paghawan ng Bokabolaryo sa Nilalaman ng Aralin

Gawain 2: Ano Ito? (10 minuto)

Ipaunawa ng guro sa mga mag-aaral na ang mga bata ay ipinanganak at inaalagaan sa isang tahanan kasama ng kaniyang mga magulang o tumatayong magulang. Kailangan ng mga bata ang tagapag-alaga at tagapagturo ng tama at mali. Bigyang-diin na sa araling ito, matututuhan ang kahalagan ng pamilya sa paghubog ng pagkatao lalo na ng mga pagpapahalagang maaaring gabay sa paghusga at pagkilos sa bawat situwasyong kakaharapin sa buhay.

Gawain 2: *Tingnan ang worksheet para sa aktibidad na gagawin ng mga mag-aaral*

Bokabolaryo

Tamang sagot: Birtud, Karakter, Pagpapahalaga, Moral na Kompas

<p>C. Paglinang at Pagpapalalim</p>	<p>Kaugnay na Paksa 1: Impluwensiya ng Iba't Ibang Konteksto ng Pamilyang Pilipino sa Pagkatuto ng Pagpapahalaga</p> <p>I. Pagproseso ng Pag-unawa Ang bawat bata ay sumasalamin sa kanilang pamilyang kinabibilangan. Inaasahan na ang bawat bata ay naturuang mabuti ng mga magagandang asal sa pamilyang kaniyang kinabibilangan. Kaya kung may bata na hindi kumikilos ayon sa kung ano ang tama, makakarinig ng mga komento gaya ng “Hindi ka ba tinuturuan sa bahay n’yo?” o kaya ay “Kaninong anak ba ‘yan?” Mahalagang malinang ang isip at puso mula pagkabata upang sa paglabas sa pamayanan ay maging magalang at kapaki-pakinabang.</p> <p>Iba't Ibang Uri at Konsepto ng Pamilya sa Paglipas ng Panahon Sa paglipas ng panahon, maraming hamon ang kinakaharap ng pamilyang Pilipino tulad ng pagbabago sa estruktura nito. Sa pananaliksik ng mga sosyologo, kinikilala nila ang pagbabago sa estruktura at komposisyon ng mga pamilyang Pilipino dulot ng iba't ibang isyu tulad ng <i>urban</i> at <i>global migration</i>, pagbabago ng papel ng kababaihan, at iba pang mga isyung panlipunan (Tarroja, 2010). Ang mga uri ng pamilyang tatalakayin sa araling ito ay bunga ng nagbabagong kultura at konsepto ng pamilyang Pilipino.</p> <ol style="list-style-type: none"> 1. Nukleyar na Pamilya. Sa mga tradisyunal na pamilyang nukleyar, madalas ay naroon ang ama at ina na gumagabay at nagtuturo ng mabuting asal at pagpapahalaga sa mga anak. Ang mga magulang ang nagsisilbing modelo ng pagpapahalaga at sila ang nagkikintal sa puso at isip ng mga anak ng mga dapat gawin sa bawat situwasyon. 2. Pinalawak (Extended) na Pamilya. Ito ay binubuo ng tatlo o higit pang henerasyon ng pamilya mula sa lolo't lola, mga magulang, mga anak, at apo sa tuhod. Ang mga pagpapahalagang itinaturo ng mga magulang ay maaaring palakasin ng mga lolo't lola. Mas mabilis din matuto ang mga bata sa pakikipag-ugnayan sa iba dahil mula pagkabata marami na silang nakakasalamuha. 3. Joint na Pamilya. Ito ay pinalawak na <i>nuclear</i> na pamilya. Nagsasama ang mga magkakapatid sa isang bubong kasama ang kani-kanilang pamilya. Sa kontekstong ito ng pamilya, maaaring mapalakas ang pagtuturo ng pagpapahalaga sa mga anak at maaari ring matuto ang mga anak sa mga pinsan, tiyo at tiya na kasama sa pamilya (The Editors of Encyclopaedia Britannica, 2023). 	<p>Ipaunawa sa mga mag-aaral na ang nag-uudyok sa mahusay na pagtupad sa tungkulin sa pamayanan ay ang pagpapahalagang taglay ng isang nilalang. Ang mga pagpapahalagang ito ay nahuhubog sa tahanan at nag-uugat sa interaksyon sa mga kasapi ng pamilya.</p>
--	---	--

4. **Blended na Pamilya.** Kapag ang mag-asawa ay may mga anak mula sa nakaraang relasyon at nagsama sa isang tahanan, maaaring magkaroon ng pagkakaiba sa pagpapahalaga ng mga bata. Maaaring mas mapanghamon ang pagtuturo at mas mangailangan ng pagsisikap at komunikasyon ang bawat kasapi ng pamilya.
5. **Mga Pamilyang may Solong Magulang.** Ang ganitong pamilya ay humaharap sa karagdagang hamon sa pagtuturo ng pagpapahalaga sa anak. Nahahati ang oras ng magulang sa kaniyang anak, trabaho, at iba pang responsibilidad dahil mag-isa niyang titinataguyod ang kaniyang anak. Maaari ring makaapekto sa epektibong pagtuturo ng pagpapahalaga ang hamon sa pinansiyal at emosyonal na *stress*. Ang mabuting dulot nito ay hindi naririnig ng bata ang magkasalungat na opinyon o pagtuturo dahil iisang magulang lang ang kaniyang nakakasama.

IKALAWANG ARAW

I. Gawain: Puno ng Pamilya (Family Tree)

Ang mag-aaral ay bubuo ng isang ilustrasyon na nagpapakita ng estruktura ng kinagisnang pamilya. Ang isasama lamang sa ilustrasyon ay mga kasapi na kabilang sa loob ng tahanan. Magpakita ng halimbawa tulad ng nasa ibaba. Pagkatapos ay ipasagot ang mga sumusunod na tanong:

1. Kung titingnan mo ang iyong ginawa, sa anong uri ng estrukturang pamilya mo ito maihahambing? Ipaliwanag ang sagot.
2. Paano mo mailalarawan ang ugnayan na mayroon ang mga kasapi ng iyong pamilya?



II. Pinatnubayang Pagsasanay

Gawain: Puno ng Pamilya

Sa gawaing ito, maaaring bigyan ng guro ang mga mag-aaral ng kalayaan na makapagbuo ng malikhaing ilustrasyon. Bigyan ng pagkakataon ang mga mag-aaral sa boluntaryong pamamaraan na maibahagi ang kanilang ginawa. Dapat maunawan ng guro na ang aralin na ito ay sensitibong talakayan para sa ibang mga mag-aaral kung kaya't huwag pilitin ang hindi pa handa na makilahok sa pagbabahagi. Sa pagbabahagi ng mga mag-aaral sa kanilang gawa, ang guro ay dapat maging handa sa paglabas ng mga karagdagan pa na uri ng estruktura ng pamilya na dulot ng pagbabago ng panahon at

Pagbasa ng Kuwento: Basahin ang dalawang situwasyon sa kuwento. Suriin kung paano makakaapekto sa pagtuturo ng pagpapahalaga ang kanilang situwasyon.

Unang Situwasyon:

Anak: Tay, Nay, dalawang taon na lang po makakatapos na po ako ng *Senior High School*. Makakapag-aral pa po ba ako sa kolehiyo? Tatay: Oo anak, itataguyod namin ng Nanay mo ang pag-aaral mo. *Bago matulog ang mag-asawa kinagabihan.*

Nanay: Ano ang gagawin natin? Paano natin pag-aaralin si Jessica sa kolehiyo? Ilang taon na lang susunod na rin si Jannica.

Tatay: Iniisip ko nga na kung dito lang tayo sa Pilipinas, hindi kakayanin ng maliit na kinikita ko ang pagpapa-aral sa kaniya. Kung mangingibang bansa ako mas malaki ang kikitain bagamat mas malaking sakripisyo ang hinihingi nito dahil malalayo ako sa inyo at tiyak ang lungkot na daranasin ko at maging kayo na maiwan dito.

Tumuloy ang ama sa pangingibang bansa at naiwan ang ina na mangangalaga sa mga bata.

Pangalawang Situwasyon:

“Nabubuhay Ako” (I Exist)

Kuwento ni Ronna Capili Bonifacio na isinalin at muling isinalaysay ni Jingle Padawang Cuevas

“Hello, ikaw ba ang Dad ko? Ang mababasa sa mensaheng pinadala ni Leon noong Oktubre 25, 2022 sa inaakala niyang bayolohikal na ama niya. Walang tugon mula sa kaniyang ama, bagkus ay nakatanggap s’ya ng “Ang taong ito ay hindi available sa Messenger.”

Ito ang *viral* na kuwentong *nai-post* sa Facebook ng 12 taong gulang na si Leon, isang taon pagkatapos niyang makipag-ugnayan sa kaniyang ama. Ang *caption* niya sa kaniyang *Facebook account* ay nagsasabing: Halos isang taon na ang nakalipas at naalala ko noong nagpadala ako ng mensahe sa lalaking ito. Siya ang tatay ko.

Naisipan kong kumustahin siya at baka magkaroon ng pagkakataon na makilala siya. Okay naman ang nanay ko. Sinabi pa niya sa akin na mag-aral nang mabuti sa paaralan, makakuha ng trabaho, at hanapin siya balang araw upang tanungin siya kung bakit niya ako iniwan. Ilang minuto matapos maipadala ang mensaheng ito, hinarangan (*blocked*) niya ako. Alam kong

paniniwala. Halimbawa: Ang mag-aaral ay maaaring bahagi ng isang pamilya na may LGBTQ+ na tumatayong magulang.

Pagbasa ng Kuwento:

Ang guro ay maaaring magdagdag pa ng mga situwasyong naangkop sa gawain at layunin na mailarawan ang ibat’t ibang estruktura/konsepto ng pamilya at kung paano ito nakakaapekto sa paghubog ng mga pagpapahalaga.

Maaaring hatiin sa maliliit na pangkat ang mga mag-aaral at magtalaga ng situwasyon na kanilang susuriin.

hindi ito makarating sa kaniya pero, kung sakali, labindalawang taon na ako at magtatapos na sa elementarya. Lumaki na ako. Mahilig ako sa pusa, at ang paborito kong asignatura ay Science. Gustong-gusto kong maglaro ng mga laro sa *computer* at gamit ang aking *Nintendo Switch*. Alam ko walang saysay ito dahil hinarangan mo ako, ngunit nabubuhay ako (*I exist*). Tinuruan ako ng nanay ko kung paano magdasal at ipagdarasal din kita palagi. Hindi ako galit sayo. At salamat!

Mga katanungan sa binasa:

1. Ano ang mga hamong kinakaharap ng mga magulang at anak sa situwasyon?
2. Bilang isang kabataan, paano nakakaapekto ang mga ganitong situwasyon sa pagkatuto mo ng pagpapahalaga?
3. Kung ikaw ang nasa katayuan ng mga anak sa kuwento, paano mo ipapakita ang pagpapahalaga sa mga sakripisyo ng mga magulang mo?

III. Paglalapat at Pag-uugnay

Sa nagbabagong konteksto ng pamilyang Pilipino, paano nito naiimpluwensiyahan ang paghubog ng pagpapahalaga? Sagutan ang sumusunod na gawain.

Gawain 4: Pamilya mo, Tukuyin mo

IKATLONG ARAW

Kaugnay na Paksa 2: Pagtukoy sa mga Pagpapahalagang Natutuhan sa Pamilya na Nagsisilbing Moral na Kompas

I. Pagproseso ng Pag-unawa

Bagamat may mga pagbabago sa estruktura at komposisyon ng pamilyang Pilipino, nananatili ang natural na pagtuturo ng mga magulang ng mga pagpapahalaga at paghubog ng karakter at birtud sa kanilang mga anak at iba pang kasapi. Upang maging mabuting mamamayan sa hinaharap ang a bata, sila ay dapat lumaki ayon sa pamantayang etikal na tutulong sa kanila na mamuhay kasama ang iba at bumuo ng kanilang pagkatao. Kaya naman, ang pagtuturo ng mga pagpapahalaga sa mga bata ay isa sa pinakamahalagang tungkulin ng mga magulang sa kanilang mga anak.

Mga Pagpapahalagang Itinuturo ng Pamilya sa mga Anak

Gawain 4: *Tingnan ang worksheet para sa aktibidad na gagawin ng mga mag-aaral*

Maaring magbigay ng maikling balik aral ukol sa nakalipas na talakayan. Hikayatin na magbahagi ang ilang mag-aaral ng kanilang natutunan o konseptong natandaan bago dumako sa kaugnay na paksa.

1. **Pagmamahal at Suporta.** Ang walang-kondisyong pagmamahal, pagtanggap, at emosyonal na suporta na ibinibigay, na nagpapaunlad ng pakiramdam ng seguridad, pag-aari, at kagalingan sa lahat ng kasapi ng pamilya.
 2. **Respeto o Paggalang.** Ang pagsasaalang-alang sa mga damdamin, kagustuhan, karapatan, o tradisyon ng iba. Tratuhan ang mga miyembro ng pamilya at iba pang mga tao nang may pag-iingat at pagiging magalang.
 3. **Responsibilidad.** Ang pagkakaroon ng kamalayan na ang iyong mga aksiyon ay may kahihinatnan na mabuti at masama, at iyon ang dahilan kung bakit dapat ingatan at maging responsible sa iyong mga aksiyon.
 4. **Mapagbigay o Pagkabukas-palad.** Ang pagmamalasakit sa mga pangangailangan ng iba at pagbabahagi nang hindi umaasa ng anumang kapalit.
 5. **Pangako (commitment).** Ang pagtatakda ng mga layunin at pagsisikap na makamit ang mga ito sa mahabang panahon. Italaga ang iyong sarili sa pagtupad ng mga pangako at layunin.
 6. **Kapakumbabaan.** Ang pagkilala na walang perpekto, na ang bawat isa ay may kanya-kanyang lakas at kahinaan din.
 7. **Pasasalamat.** Ang pagpapahalaga sa mga pagsisikap at kabutihan ng iba. Ito rin ay ang pagkilala na nag lahat ng mabuti ay galing sa isang mas mataas at mas makapangyarihang nilalang.
 8. **Katapatan.** Ang pagsasabi ng totoo, hindi pagsisinungaling o pagbabago ng mga katotohanan.
 9. **Pakikipagkaibigan.** Ito ay ang pagbabahagi ng mga karanasan, pagbibigay ng suporta at suporta, pag-imbita ng mga kaarawan, pagbabahagi at pakiramdam na pinahahalagahan tayo ng ibang tao.
 10. **Pasensya.** Ang pagpapaliban ng mga kasiyahan, upang maunawaan na na sa maraming pagkakataon ay kailangan maghintay bago makuha ang pinakahihintay na gantimpala.
- Pamprosesong tanong:**
1. Ano ang pinakaunang pagpapahalagang natutuhan mo sa iyong pamilya?
 2. Sa paanong paraan ito itinuro sa'yo ng iyong kapamilya?

II. Pinatnubayang Pagsasanay

Gawain 5: Ang Tahanan

Gawain 5: *Tingnan ang worksheet para sa aktibidad na gagawin ng mga mag-aaral*

Pagbasa ng Tula
Sa pagproseso ng tula, ipaunawa sa mga mag-aaral na ang isang

	<p>Mga Panlipunang Tradisyon at Kultura na may Impluwensiya sa Pampamilyang Pagpapahalaga</p> <p>Ang bawat pamilya ay bahagi ng isang lipunan. Ang lipunan, kasama na dito ang natatangi nitong mga kultura at tradisyon, ay may impluwensiya sa paghubog ng pagkatao. Ang kultura ay humuhubog sa ating mga pananaw sa mga pangunahing isyu tulad ng mga tungkulin at layunin ng pamilya, mga kasanayan sa pangangalaga ng pamilya, pag-aaral, edukasyon, kahandaan sa paaralan, pag-uugali ng bata, at iba pa. Ang mga pagpapahalaga at kaalaman sa kultura ay ipinapasa sa mga kabataan sa pamamagitan ng mga wika, tradisyon, at paniniwala (National Center on Parent, Family, and Community Engagement, w.p.). Ilan sa mga pampamilyang pagpapahalaga na ipinapasa sa bawat henerasyon ay bunga ng pagtataguyod ng mga panlipunang kultura at tradisyon. Samakatuwid, ang pamilya at lipunan ay may malapit na kaugnayan sa isa’t isa. Saad ni John Paul II na binaggit sa pag-aaral ni Gozum (2020), "Ang pamilya ay may mahalagang ugnayan sa lipunan dahil ito ang pundasyon nito at patuloy nitong pinapangalagaan ang lipunan sa pamamagitan ng papel nito sa paglilingkod sa sangkatauhan. Ang pamilya ang pinagmulan ng mga mamamayan, at ang pamilya ang nagsisilbing unang paaralan kung saan natututunan ang mga panlipunang birtud na siyang nagbibigay-buhay sa prinsipyo ng pag-iral at pag-unlad ng lipunan mismo."</p> <p>III. Gawain: Suriin at Talakayin Gawain 6: Pagsusuri ng mga Panlipunang Tradisyon at Kultura</p> <p>IKAAPAT NA ARAW</p> <p>I. Paglalapat at Pag-uugnay Gawain 7: Bahay ng Pagpapahalaga</p> <p>Kaugnay na Paksa 3: Pagsasabuhay sa mga Pangunahing Pagpapahalaga na Natutuhan sa Pamilya</p> <p>I. Pagproseso ng Pag-unawa Paraan ng Pagsasabuhay sa mga Pagpapahalagang Natutuhan sa Pamilya</p>	<p>tahanan ay binubuo ng isang pamilyang may impluwensiya sa pagpapahalaga ng bawat kasapi nito. Ang mga pagpapahalagang ito ay may kaugnayan sa paghubog ng pagkatao at nagsisilbing moral na kompas.</p> <p>Gawain 6: <i>Tingnan ang worksheet para sa aktibidad na gagawin ng mga mag-aaral</i></p> <p>Gawain: Suriin at Talakayin Maaari pang magdagdag ang guro ng mga larawan. Isang alternatibong paraan ng pagsasagawa nito ay ang pangkatang gawain na kahalintulad sa larong "<i>Paint Me a Picture.</i>"</p> <p>Sa gawaing ito mahalagang matalakay ang epekto ng mga pagbabago sa paglipas ng panahon sa mga nakasanayang kultura at tradisyon. Magpabigay sa mga mag-aaral ng kanilang mga obserbasyon o karanasan kung paano isinasabuhay ang mga pangkulturang gawi at tradisyon sa kasalukuyan. Halimbawa: Ang <i>community pantry</i> na isinagawa sa kasagsagan ng <i>COVID 19 pandemic</i> ay isang halimbawa ng pagbabayanihan.</p>
--	--	---

1. **Pagmamahal.** Ang pagsasabi ng “mahal kita” ay isa lamang paraan upang maipakita nag pagmamahal sa pamilya at sa iba. Si Jensen (2022) ay nagbigay ng 87 na paraan upang maipakita ang pagmamahal. Basahin ang ilan at tukuyin alin sa mga ito ang <https://www.6seconds.org/2022/06/27/kindness-and-loving-75-ways/> isinasagawa.
2. **Respeto o Paggalang.** Ang respeto ay nag-uumpisa sa pagiging magalang sa salita at kilos. Kung may hindi pagkakaunawaan, matutong makinig at intindihin ang damdamin ng iba. Maging malumanay sa pagsasalita at huwag magtaas ng boses lalo na kapag pinagsasabihan.
3. **Responsibilidad.** Ang paghingi ng paumanhin at paghingi ng tawad kapag may nagawang pagkakamali ay magandang paraan ng pagpapakita ng pagiging responsible sa buhay. Kasama din ang paggawa ng mga inaatang na gawain at mga pangako. Basahin ang iba pang maaring gawin ayon kay Team sa link na <https://prowritingaid.com/responsible-character-traits#article-head7>
4. **Mapagbigay o Pagkabukas-palad.** Kung mayroon kang maibabahagi sa mga pangangailangan ng mga kasapi ng pamilya materyal man o hindi ay maaring ibahagi ito sa kanila ng buong puso.
5. **Pangako (commitment).** Panindigan ang mga binibiwang salita at pangako kahit na may mga balakid sa pagtupad ng mga ito.
6. **Kapakumbabaan.** Matutong magsabi ng “sorry” kung nagkamali at laging isiping hindi mo alam ang lahat ng bagay. Dahil dito, pagsilbihan ang isa’t isa upang mapunan ang mga kahinaan.
7. **Pasasalamat.** Magpasalamat sa lahat ng pagkakataon maliit man o malaki ang mga nagawa ng kapamilya. Kahit dumaraan sa mga pagsubok, sikaping tingnan ang mga bagay na maaring ipagpasalamat sa mga situwasyon.
8. **Katapatan.** Piliin araw-araw na magsabi ng katotohanan at hindi magsinungaling. Sumunod sa mga alituntunin upang hindi at tagubilin ng magulang upang hindi malagay sa situwasyon na kailangan magsinungaling.
9. **Pakikipagkaibigan.** Ugaliing ngumiti sa iba, bumati ng magandang umaga o magandang gabi. Kausapin ng maayos at makinig kung sa tingin mo ay kailangan nila ng kausap.

Gawain 7: *Tingnan ang worksheet para sa aktibidad na gagawin ng mga mag-aaral*

Bahay ng Pagpapahalaga Upang matukoy ang mga natutuhang pagpapahalaga na naituro ng kanikanilang magulang at kung paano nagsisilbing gabay ang mga pagpapahalagang natutuhan sa pag-iisip, kilos at mga desisyons a buhay, ipagawa ang bahay ng pagpapahalaga. Kung kinakailangan magbigay ng iba pang halimbawa upang mas maunawaan ng mga mag-aaral ang kanilang gagawin.

Maaaring ipagawa ito sa mag-aaral bilang takdang-aralin sa ikatlong araw upang ipabahagi na lamang sa iilang mag-aaral sa ikaapat na araw.

Hikayatin ang mga mag-aaral na magbahagi ng kanilang mga kasagutan sa gawain (*Bahay ng Pagpapahalaga*). Sikapin na tukuyin ang pagkakatulad ng sagot ng mga mag-aaral upang mabigyang diin ang mga pagpapahalaga na umiiral sa pamilyang Pilipino.

	<p>10. Pasensya. Iwasang magsalita ng makakasakit sa iba kapag hindi nakuha ang nais. Huminga ng malalim at magkaroon ng kamalayan sa mga tumatakbo sa isipan upang maiwasan ang mga negatibong kaisipan. Mag- isip ng positibo at kontrolin ang sarili.</p> <p>II. Pinatnubayang Pagsasanay Gawain 8: Hamon at Pagpapahalaga</p> <p>III. Paglalapat at Pag-uugnay Gawain 9: Paglagda ng Kasunduan</p>	<p>Gawain 8: Tingnan ang worksheet para sa aktibidad na gagawin ng mga mag-aaral</p> <p>Gawain 9: Tingnan ang worksheet para sa aktibidad na gagawin ng mga mag-aaral</p>
<p>E. Paglalahat</p>	<p>1. Pabaong Pagkatuto Paano nakakatulong ang pamilya sa paghubog ng pagkatao? _____</p> <p>Bakit mahalagang matutuhan ang mga pagpapahalaga at birtud? _____</p> <p>2. Pagninilay sa Pagkatuto Bakit mahalagang taglayin mo ang mga pagpapahalagang ito? _____</p> <p>Ano ang maidudulot na kabutihan ng mga ito sa iyong sarili, sa pamilya, at sa iyong bayan? _____</p> <p>Sa mga pagsubok na kinakaharap ng pamilyang Pilipino, ano ang maaari mong gawin o ipayo sa mga nakakaranas nito? _____</p>	

IV. EBALWAYSON NG PAGKATUTO: PAGTATAYA AT PAGNINILAY		MGA TALA sa GURO
<p>A. Pagtataya</p>	<p>1. Pagsusulit</p> <p>I. Panuto: Sagutin ang sumusunod.</p> <ol style="list-style-type: none"> 1. Bakit itinuturing ang pamilya bilang sandigan ng pagpapahalaga? <ol style="list-style-type: none"> a. Dahil dito ipinanganak ang isang bata. b. Dahil dito natututo at nahuhubog ang pagkatao. 	

- c. Dahil nagtutulungan ang mga kasapi ng pamilya.
 - d. Dahil gampanin ng magulang na turuan ang kanilang anak. Sagot: B
2. Ano ang maaari mong gawin upang maisabuhay ang mga pagpapahalagang natutuhan sa pamilya?
- a. Isakilos ang mga ito kung nasa paaralan lalo kung may guro.
 - b. Natural na ipakita ang mga pagpapahalaga sa bawat situwasyon.
 - c. Hikayatin ang mga kasapi ng pamilya na isabuhay ang mga pagpapahalaga.
 - d. Turuan ang ibang bata na isabuhay ang kanilang pagpapahalaga. Sagot: B

II. Panuto:

3. Magbigay ng tatlong (3) pagpapahalagang natutuhan sa tahanan at isulat kung paano ito maisasabuhay.

III. Panuto:

4. Tinuruan ka ng mga magulang mo na ang pagmamahal ay naipapakita sa pagmamalasakit sa bawat isa. Nakita mong may mga pulubing bata na namamalimos at kumakatok sa bintana ng mga sasakyan sa langsgan. Alam mong mapanganib ito. Ano ang gagawin mo?

5. Isa sa mga natutuhan mo sa iyong pamilya ay ang pagmamahal sa Diyos. Sa paaralan, may mga humihikayat sayong pangkat na may taliwas na paniniwala, paano mo ito isasangguni sa iyong mga magulang?

2. Gawaing Pantahanan/Takdang-Aralin

Gumawa ng liham pasasalamat sa Diyos sa pagkakaloob N'ya sa iyo ng pamilya. Hilingin ang paggabay ng Diyos upang maisabuhay at maipasa sa iba ang mga natutuhang pagpapahalaga.

Mahal kong Panginoon, <hr style="border: 0; border-top: 1px solid black; margin: 5px 0;"/>	Petsa _____ <hr style="border: 0; border-top: 1px solid black; margin: 5px 0;"/> Ang iyong anak,
---	---

B. Pagbuo ng Anotasyon	Itala ang naobserhan sa pagtuturo sa alinmang sumusunod na bahagi.	Epektibong Pamamaraan	Problemang Naranasan at Iba pang Usapin	
	<i>Estratehiya</i>			
	<i>Kagamitan</i>			
	<i>Pakikilahok ng mga Mag-aaral</i>			
	<i>At iba pa</i>			
C. Pagninilay	<p><i>Gabay sa Pagninilay:</i></p> <ul style="list-style-type: none"> ▪ <u>Prinsipyo sa pagtuturo</u> <i>Anong prinsipyo at paniniwala ang naging bahagi ng ginawa sa aralin? Bakit dapat ituro ang aralin sa paraang aking ginawa?</i> ▪ <u>Mag-aaral</u> <i>Anong gampanin ng mga mag-aaral sa aralin? Ano at paano natuto ang mga mag-aaral?</i> ▪ <u>Pagtanaw sa Inaasahan</u> <i>Ano ang aking nagawang kakaiba?</i> <i>Ano ang maaari kong pang gawin sa susunod?</i> 			